

根本說一切有部目得迦卷第七

尊七

唐三藏法師義淨奉

制譯

第五子攝頌曰

狗肉不應噉 并食屍鳥獸 及以銅蹄畜 亦不食猕猴

尔時佛在室羅伐城時屬儉年諸俗人等多

乙 王

食狗肉時六眾苾芻於日初分著衣持鉢入城乞食隨所至處人皆告曰聖者可去實無一物堪以奉施其家釜內有營食處六眾見已便問彼言汝舍釜中是何飲食答云狗肉問言仁等食狗肉耶答言我食六眾報言我依仁等而為出家汝所食物宜應與我彼便

授與六眾苾芻受肉而去是時羣狗即聞肉氣共來圍遶嗥吠隨行時諸居士見而告曰聖者何故被羣狗逐答言我所持者是其狗肉問言仁者食狗肉耶答言我食因被譏嫌以緣白佛佛言凡諸苾芻不應食狗及以鴟鷄并諸鳥獸食死屍者咸不應食若有食者

得惡作罪

緣處同前時有盜賊偷憍薩羅國勝光大王廐中上馬將入閻林遂斷其命棄其頭尾持肉而去六眾苾芻性多饕餮晨朝遍望觀察四方遙見閻林有諸鷲鳥從空飛下因即相報共往其處見彼所棄馬尾頭蹄因相謂曰

鄔波難陀我今豐足糞掃之物遂共收取時掌馬人尋蹤而至問六眾曰仁所著者是大仙服如何更作斯惡行耶問言我作何事答言王廐上馬仁等偷殺報言此非我殺是賊偷來殺而取肉頭蹄及尾弃地而去我等將作糞掃物取馬主譏曰此實可愛糞掃之物

以緣白佛佛言汝等苾芻諸有銅蹄之畜及狐貉等類並不應食若有食者得惡作罪時有猕猴攀條遠躑忽然墮地因即命終六眾見已持還住處置於釜內自煮時有女人失其兒子尋遂蹤緒入逝多林察見六眾於大釜內煮彼猕猴女人見已推曾叫曰嗚呼我

見於此被糞是時六衆挑猕猴手以示女人
女人叫曰禍哉此是兒手次挑其脚女人告
言禍哉是我兒脚次舉其頭女人復言禍哉
是我兒頭復舉其尾告女人曰你之兒子亦
有尾耶女人告曰豈復仁等食猕猴肉答云
不是汝兒我食何過諸人聞已便起譏嫌以

第七

二

緣白佛佛言汝諸苾芻猕猴之兒有類人形
是故苾芻亦不應食若有食者得惡作罪

第六子攝頌曰

小盞及衣角 皮葉等有過 除其鐵一種
餘物任情為

佛在室羅伐城時有苾芻身嬰重病為苦所

逼便往醫處報言賢首以所宜藥為我處方
醫人答曰有下灌藥宜可用之病速瘳愈告
言賢首世尊未許答曰仁之大師慈悲為本
必緣此事開許無疑時諸苾芻以緣白佛佛
言醫人處方用下灌藥當隨意作彼以小盞
而為下灌便棄其藥佛言不應以盞而為下

灌彼以衣角藥如前弃佛言不應衣角又以
皮灌復還弃藥佛言不應用皮彼將葉裏佛
言不應宜可作筒彼將鐵作熱而且鞭佛言
除鐵一種琉璃銅等咸隨意作

第七子攝頌曰

甘蔗酪肉麻 藥有四種別 大麻蔓菁粥

根等粥應食

亦時具壽鄒波離白世尊言其七日藥亦得
用為盡壽藥不佛言得即如甘蔗體是時藥
汁為更藥糖為七日灰得盡形鄒波離酪是
時攝漿是更收酥為七日燒酪成灰便為盡
壽鄒波離肉是時攝脂成七日燒害成灰便

第七

三

為盡壽隨事應服時有苾芻身嬰病苦往醫
人處問言賢首我今帶病願為處方醫人答
曰聖者應食大麻粥苾芻告曰世尊未許我
云何食醫答同前以緣白佛佛言醫人處方
聽食麻粥或是蔓菁根莖花葉及其子實並
除風疾咸應作粥而噉食之

第八子攝頌曰

開許沙糖飲 得為七日藥 生心為五事

益彼應共分

今時世尊人間遊行至一聚落時有長者宿世因緣應受如來之所化度今時世尊知彼長者受化時至詣其住處是時長者即為世

尊於彼寬廣敷設牀座今時世尊就座而坐時彼長者禮雙足已在一面坐是時世尊觀彼長者意樂隨眠根性差別而為說法示教利喜令彼長者以智金剛杵破二十種薩迦耶見山獲預流果既得果已白世尊曰我今所證非先祖父母所作非國王作非諸天作

亦非沙門婆羅門等作亦非親友及宗族作由依世尊大師力故如是廣說乃至受三歸依心生淨信今時世尊為彼長者宣說法要日時遂過佛及大眾悉皆絕食長者白佛言我今欲作非時漿佛言隨意應作即去營辦沙糖等漿奉佛及僧諸苾芻等以其過甜不

能多飲以緣白佛佛言蒲萄石榴及橘柚等捺使破碎以物淨濾勿令稠濁和攪而飲時具壽鄔波離白佛言其沙糖飲頗得守持經七日不佛言得齊何應飲乃至澄清未醋已來體未變者隨意當飲今時佛在室羅伐城時有長者請具壽阿難陀就舍而食時給孤

獨長者身嬰重病世尊聞已與侍者阿難陀詣長者處問其疾苦是時長者為佛敷座世尊就座即為長者說法要已從座欲去時彼長者請世尊曰唯願哀愍今受我食今時世尊默然許之時阿難陀白佛言先有長者已請我食佛告阿難陀應捨先請與餘苾芻有

尊七

四

五種事心念皆成謂分別衣守持衣褻灑陀隨意事及受人請

緣處同前時屬儉年諸苾芻眾乞食難得有敬信婆羅門及諸居士請耆宿苾芻就舍而食時諸苾芻但受一請餘皆不受世尊告曰若於儉年飲食難得隨有請喚皆應受之身

自食已於餘苾芻咸應共食不被請人亦詣彼舍施主告曰仁不是我所請之人便不與食世尊告曰其受請者應可先受食兩三口為表相已作如是言居士此諸苾芻乞食難得我將此食迴以施之汝可隨喜如是二三隨所得食皆應迴授其最後者應自飽食

第九子攝頌曰

醫教應服酥 油及餘殘觸 并開眼藥合

除十為淨廚

緣處同前有一苾芻身嬰重病問彼醫人醫人報曰應可服酥病當除差以緣白佛佛言醫人處方隨意應服時病苾芻於其夜分將

欲食酥無人為授佛言應自取服若酥難得應可服油油更難得遂便廢闕時餘苾芻有殘觸酥油彼作是言我有酥油然是殘觸佛若開者汝當取服以緣白佛佛言病者貧無設是殘觸服之無犯具壽鄔波離白佛言如世尊說汝諸苾芻應持眼藥合者其事如何

第七

五

佛言除四寶已餘皆得畜今時世尊在薛舍離告諸苾芻有十種地不應結作淨廚所謂露地門屋下房簷前溫暖堂洗浴室官人宅制底邊外道家俗人舍尼寺中若煮食時皆得惡作鄔波離白佛言若結一室共作淨廚既作法已上下傍邊皆成淨不佛告鄔波離

若大眾共許結此一處作淨廚時上下四邊勢分之内悉皆成淨

第十子攝頌曰

根莖葉花果 皆應淡酒浸 水攪而飲用

并許其異食

今時世尊既度釋子出家其人皆慣飲酒由

斷酒故身色萎黃以緣白佛佛言但有造酒之物所謂根莖葉花果等並屑為糝以白布裏可於無力不醉淡酒中而為浸漬勿令器蒲而封蓋之後以清水投中攪飲或以麴及樹皮并諸香藥擣篋為糝布帛裹之用杖橫繫懸於新熟酒甕內勿令霑酒經一二宿以

水攪用斯之二種時與非時隨飲無犯
如是能令酒渴止息汝諸苾芻以我為師者
不應飲酒不與不取乃至不以茅端滴酒而
著口中

如世尊說莎底苾芻應與異食者當云何與
佛言初生犢子糞尿并屨路陀樹灰一菩提

樹灰二劫畢他三阿說他四鄔曇跋羅樹灰
五溺屨路及入地四指下土相和一處攪而
隨用不知何人應取佛言今信敬者取還令
信敬者授

目得迦別門第二摠攝頌曰
定物有主處 須問憍薩羅 從像預先差

大減會尼眾
第一子攝頌曰

定物不應移 莫拾賊遺物 屍林亦復尔
隨許並應收

尔時佛在室羅伐城有一長者多饒財寶造
一住處施與僧伽及諸卧褥供身雜物咸持

第七

六

奉施有少苾芻在此而住共相謂曰諸具壽
卧褥資具既甚豐盈若舉置時恐多損壞隨
足受用所有餘物應可分與苾芻僧伽即如
其議所有餘物悉皆分與隨近僧伽時有乞
食苾芻遊行至此時舊住者便為解勞彼客
苾芻問言具壽頗有餘長閑卧具不答曰此

無閑物諸客苾芻於破牀上苦卧通宵至於
晨朝執持戶鑰向俗人本寺主處既至彼已
就座而坐即為長者宣說法要讚歎七種有
事福業長者答曰此之福業我今已作苾芻
答曰仁之住處猶乏卧具我於昨夜眠一破
牀極受辛苦其寺本主報言我以眾多卧褥

資具奉施大眾豈非苾芻將我施物向餘處
耶苾芻問曰識鎖鑰不答言我識即與長者
共往觀察時彼長者到住處已問舊苾芻我
以眾多卧褥資具奉施大眾今並何在時諸
苾芻即以上事具答施主長者告曰應可取
來我本要心施此住處以緣白佛佛言不應

持此處物與餘住處應隨定處而受用之若私與者應全酬直若不還者得重越法罪

緣處同前六眾苾芻共諸商旅人間遊行時諸商旅咸被賊劫然彼賊徒將物不盡棄之而去時六眾苾芻隨賊後行見其遺物遂相告曰難陀鄔波難陀奇哉豐足糞掃之衣可

尊七

七

共持去即取衣物物主來至見六眾持衣便共譏曰我所有物賊不奪者仁復重偷尊者著大仙衣造斯惡行問言我作何事荅言汝偷我衣苾芻曰賊奪汝衣棄之而去作糞掃想我等取之以緣白佛佛言賊奪商旅所遺棄物不應收取若取物者得惡作罪復有商

主被賊所偷持物不盡所有殘餘諸居士等告曰仁者隨樂收取苾芻不取世尊告曰若隨聽者應取

尔時佛在王舍城時六眾苾芻往寒林中停屍之處遂便共見衣裳傘蓋及以柴薪而相謂言難陀鄔波難陀多糞掃物可共持去其

守屍林旃荼羅等後來至此便作是念誰劫奪此深摩舍那是時六眾經七八日共相謂曰難陀鄔波難陀深摩舍那計應豐有糞掃之衣可共往彼收斂其物既至彼已時旃荼羅遂即執捉告曰阿遮利耶所有王家課役之事皆悉出在深摩舍那云何仁等他所掌

物而竊取之以緣白佛佛言汝諸苾芻深摩舍那他所掌物衣蓋柴薪並不應取若有取者得重越法罪復有餘處掌屍林人既懷信敬告苾芻曰隨意取衣彼不敢取以緣白佛佛言若彼聽者隨意應取

第二子攝頌曰

有主天廟物 苾芻不應取 看病人不應

勸他捨法服

尔時佛在室羅伐城逝多林給孤獨園六眾苾芻與車商旅涉路而行忽於中途其車軸折時彼商主弃斯折軸別將餘軸替之而去六眾苾芻即取折軸於四衢道中埋令豎立

自相謂曰此應名作車軸天尊既建立已捨之而去時有長者以食祭祠復有餘人於斯乞願若能令我稱所求者當為天尊造立堂舍并婆羅門眾一百八人於日日中常來設會作斯祈願得稱所求即於其所造立堂廟時諸商旅往來至此咸以衣物劫貝毛等奉

第七

施天尊六眾重來見彼天廟商估雜蹋車馬駢闐多有貲財非常豐贍共相謂曰車軸天尊奇豐衣物我等今者應可取之時守廟人見其取物白言聖者我於此處恒作修治云何仁等有主神堂衣毛劫貝而便輒取云眾報曰汝久寒賤何處得有如此天廟本由我

等創斯建立以折車軸將作天尊不體來由漫生悋護持鄔波難陀拳打車軸以手拔出諸人告曰設尊者造或可餘人而我依此以為活命如何見奪所有衣貲時諸居士咸起譏嫌苾芻以緣白佛佛言不應輒取有主天廟所有衣貲劫貝毛等若有取者得重越法

罪有餘天廟隨意令取時諸苾芻並不敢取以緣白佛佛言若他聽者是即應取緣處同前時有苾芻身嬰病苦如世尊說令病苾芻於僧伽中宜修福業時瞻病者告病人曰可於僧田少當行施病人荅曰我無一物今應持我三衣施之時瞻病者持衣奉時僧伽受

已賣而共分苾芻病差遂闕三衣以緣白佛佛言不應勸病苾芻施人三衣勸他捨者得越法罪然僧伽不合受此三衣假令受者不應分散見闕當還若有分者得惡作罪

第三子攝頌曰

物須問施主 眾利可平分 二大合均分

第七

九

餘眾應加減

尔時佛在室羅伐城時有長者施僧尼二眾食復以財物奉施二眾諸苾芻等不知云何應分其物以緣白佛佛言應問施主隨語而分緣處同前時有六十苾芻人間遊行詣一村所彼有長者久懷正信請諸苾芻就舍而

食是時居士作如是念彼諸苾芻各以一衣而爲奉施彼食未竟復有六十苾芻尼衆而行之食諸人告曰某長者家有諸苾芻正受供養仁等可往尼便就彼亦受其食長者念曰我今云何以衣遍施應從老者行與時彼長者以六十張疊置上座前苾芻不知云何

共分以緣白佛佛言此是二衆利物應共分緣處同前有一長者設二衆食并施財物時苾芻等與諸求寂平等分之時近圓者因生嫌恨我等所要三支伐羅彼諸求寂上被縵條下著一裙二衣便足如何使我共彼平分以緣白佛佛言苾芻苾芻尼應平等分若

求寂男求寂女三分與一式又摩拏二分與一欲受戒人亦二分與一如是應知

第四子攝頌曰

憍薩羅白氎

佛子因食麩

室利笈多緣

廣論營造事

尔時世尊與千五百五十苾芻於憍薩羅園

人間遊行遇至一村時有長者請佛及僧并常隨徒衆就舍而食時有六十苾芻尼人間遊行亦到此村巡家乞食至長者宅亦請受食時彼長者供佛僧已便以白氎千二百五十張安上座前諸苾芻等不知云何分其施物時六十尼作如是語我等前已得半施物

今者亦應持半與我以緣白佛佛言苾芻與尼計人分施不應中半

復有長者請佛及僧就舍而食諸苾芻等時至赴食唯獨世尊不赴其請令使請食寺內而住佛有五因緣不往赴請廣說如常今欲爲諸弟子制其學處時彼長者敬重耆宿行

與上蘇并蘇煮餅中年行油煮餅至於下行與油麻滓并麻滓煮菜時具壽羅怙羅親爲世尊取其鉢食持至佛所禮雙足已於一面坐諸佛常法於取食者歎言慰問彼苾芻等得美好食不羅怙羅白佛言諸僧伽等得好美食極是豐足世尊告曰汝今何故身形羸

瘦時羅怙羅說伽陀曰

食油能有力 蘇乃足光輝 麻滓及菜蔬

何能有色力

佛告羅怙羅問汝身瘦因何便以食事答我
羅怙羅具以上事而白世尊佛言誰為僧伽
上座答言是我鄔波馱耶佛告羅怙羅汝師

舍利子此是惡食不名善食何不觀察中下
座食佛告諸苾芻僧伽上座所有行法我今
制之為上座者初見行食人來應先教長跪
合掌唱三鉢羅佉多上座即應告言可平等
行時彼見行美菜餅等事事來時咸作是語
便成廢闕世尊告曰創始行鹽即須報言可

平等行無煩一一若違所制得惡作罪時具
壽舍利子聞世尊說不名善食遂便以指按
吐其食具壽鄔波離白世尊言舍利子所受
之食彼便吐出世尊告曰汝諸苾芻非但今
日我鄙其食彼便嘔出於過去世我鄙其食
當時已吐汝今應聽昔有婆羅門常自唱讀

第七

工

共一婆羅門童子遊行人間至一聚落彼便
置此童子於聚落外息在池邊語言汝今於
此可暫時住我入村中乞求麩食童子遂住
時有旃荼羅種來至池邊就水食麩時被童
子見而告曰丈夫仁可惠我少多麩食便報
童子曰可縫葉器即便縫葉時旃荼羅以麩

授之是時童子見麩潤膩即報彼曰此麩何
故潤膩答曰膩器盛麩因斯帶潤是時童子
尋食其麩彼婆羅門從村來至告童子曰汝
今亦可入此村中乞取麩餅童子告曰我已
食麩彼便問曰何處得耶答曰於旃荼羅處
得婆羅門曰此是不淨惡人汝何取麩時婆

羅門遂生嫌賤時被童子即便吐麩佛告諸
苾芻汝等勿生異念彼時唱讀婆羅門者即
我身是彼童子者即舍利子是往時由我吐
其麩食復於今日為我訶責還吐出食
尔時佛在王舍城羯蘭鐸迦池竹林園住時
彼城中有一長者名室利笈多元是露形外

道門徒即是聚底色迦姊妹夫也其聚底色迦深信三寶作如是念我今宜可勸室利笈多知佛僧伽是上福田即便告曰佛及衆僧汝能設食親供養者獲福無量彼便告曰今我供養佛及僧者汝亦爲我請哺欄拏及彼弟子設食供養時聚底色迦便作是念我今若其不見許者遂令彼人於勝福田有大損失普施一切此復何違即許爲請時室利笈多復生是念我若先請沙門喬荅摩就舍食者彼聚底色迦後不肯請哺欄拏及諸弟子而設其食遂報彼曰尔可先請哺欄拏等就舍而食我於次後請佛僧伽而伸供養即便許之尋往哺欄拏處廣申言論情歡喜已遂便告曰仁者哺欄拏及諸弟子願至明日就我舍食時哺欄拏便生是念豈非此人於沙門喬荅摩處見有過失情不信樂今於我所起殷重心我於今日獲大利益又此先祖是我施主今復歸向正是其宜即便受請時聚

尊七

上

底色迦即於其夜營辦飲食敷設座席安置水盆晨朝遣使往哺欄拏處白言時至飲食已辦唯願知時時室利笈多告哺欄拏曰聖者知不然沙門喬荅摩但有俗舍來請命時割到彼門先以右脚踏其門闥便現微笑侍者阿難陀即偏袒右肩右膝著地合掌請曰

大德大聖如來及如來弟子非無因緣輒現微笑大德此等有何因緣彼便荅曰如是阿難陀非無因緣輒現微笑然佛所至之處皆爲授記能令大衆發敬信心仁等今往聚底色迦處入彼舍時應如是作亦復能令大衆生敬信心即然其事時哺欄拏及諸弟子圍遶而去詣聚底色迦住處既至彼已到其門闥遂開口大笑時露形弟子頂禮其足合掌問曰大德非無因緣如是勝人輒開口大笑彼便告曰其實如是非無因緣我以天眼觀見無醉池側有雄狒狒逐雌狒狒隨後而走是時脚踏從樹顛墮因即命終今我念曰如

此之畜無識有情為鄙欲故受大憂苦時聚
 底色迦聞此語已遂作是念此姪女兒向針
 行裏更欲賣針我今折挫令其改肅即為哺
 爛拳及諸弟子敷設妙座以上妙飲食滿盛
 銅鉢置飯於下上安雜味奉露形眾於哺爛
 拳器下安諸雜味上以飯覆而授與之彼便

尊七

十三

念曰我是教主合受好食如何長者而不見
 與長者請曰何不食耶彼便告曰此但有飯
 更無雜味宜可將來是時聚底色迦舊云構
也長者即於其前說伽他曰

應合見者不能見 不合見者詐言明
 尚觀池側獠猴死 如何不見搗中羹

是時長者於鉢飯下示其雜味時彼著愧即
 自念言我被挫折待少食訖我為呪願令現
 在未來所設福業空無果利彼既食罷即為
 呪願說伽他曰

若人少行惠施時 及以供養設食時
 此非言難詰責時 令其善福皆無報

時聚底色迦長者有守門人既聞事已便作
 是念斯無智人受我舍食妄陳呪願令無果
 報此姪女兒我今料理令其落節彼遂當門
 傾穢水瓊復拽門閉令其半出時哺爛拳尋
 並出門俱被泥達遂便倒地頭觸門闕打破
 流血時守門人說伽他曰

正是門闕抽出時 及以穢瓊傾水時
 打破其頭血流時 此時善福還無報

時哺爛拳持其流血詣室利笈多處時彼見
 已問言大德何意頭破流血若斯荅曰被聚
 底色迦長者躡頓於我即便告曰仁大有幸
 存命出來我今作計令彼喬荅摩及僧伽眾

入我宅中不活而出時室利笈多遂生是念
 我今宜往喬荅摩處請其受食彼若定是一
 切智人必不受請如非一切智即便見許時
 室利笈多即往佛所共相問訊在一面坐復
 從座起請世尊曰佛及僧伽頗能明日就我
 舍內受一食耶

十四末

根本說一切有部目得迦卷第七

尊七

蹄吹戶高反 嗚鴉下尺脂反 蹠下子嬌反 挑反土彫 瘳愈音上
 抽鞭反吾更 蔓菁上音官 甜反徒添 蒲萄下音挑
 橘柚下反余 接反未 岷反其勿 溺反如 餘長反俱 浸漬反音戶

鑰下音 柴樵下音 深摩舍那人掌也 車軸音下

逐祭祠詞下音 雜踏下音 駢闐下音 貨財音下

上子創昌狀反 漫反莫 笈多上音 鹽下音 哺闌拏音下

見外道也 指按下委 闌鐸上力干反 門闍反音

本反若 脚踏下徒 折挫下則 水瓠下戶 拽反音

泥漣下他 躓頓上音

根本說一切有部目得迦卷第八

尊八

唐三藏法師義淨奉 制譯

第四子攝頌室利笈多之餘

今時世尊便生是念此室利笈多由於我處
 當見諦理又彼意亂造諸惡行若不受請與
 彼聖諦而為障礙我宜受請今時世尊默然

而受室利笈多即生是念此喬荅摩非一切
 智此是怨家我當返報彼即還家便於夜半
 在門屋中掘作大坑於其坑中燒炎炭聚既
 絕烟焰將物棧之覆以青草復於其上更布
 薄土便於食內置諸毒藥時聚底色迦妹是
 笈多妻見而問曰仁今欲何所作荅曰擬殺

怨家即問彼言誰為怨家沙門喬荅摩即其
 人也妻曰若佛大師是怨家者誰當得作介
 親友乎時彼笈多便作是念此是彼親生來
 一處於沙門喬荅摩情深敬重將無發露我
 密事耶便令入一小室反鎖其門即命哺闌
 拏及無衣眾仁等可集看害怨家我欲殺彼

喬荅摩眾已設火坑食內安毒時諸外道昇
 閣而坐共相告曰我於此處觀喬荅摩被火
 燒害復看食毒悶絕之時顛蹶于地令我門
 徒悉皆快意時室利笈多晨朝起已敷設座
 席安置水甕楊枝澡豆已命使者曰汝可往
 詣喬荅摩處傳我言曰喬荅摩來食已辨訖